

Կ Ա Ր Գ

ՔԱՂԱՔԱՇԻՆՈՒԹՅԱՆ ԲՆԱԳԱՎԱՌՈՒՄ ԼԻՑԵՆԶԱՎՈՐՄԱՆ

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով սահմանվում են Հայաստանի Հանրապետության քաղաքաշինության բնագավառում «Լիցենզավորման մասին» Հայաստանի Հանրապետության օրենքի 43-րդ հոդվածով հաստատված աղյուսակի 17-րդ բաժնով սահմանված քաղաքաշինության բնագավառում գործունեության տեսակների լիցենզիա կամ լիցենզիային կից համապատասխան ներդիր ստանալու համար քաղաքաշինության գործունեության սուբյեկտներին ներկայացվող պահանջներն ու պայմանները:

2. Սույն կարգի 1-ին կետում նշված անձինք քաղաքաշինության բնագավառում լիցենզիա ստանալու նպատակով սույն հավելվածի 7-րդ կետով սահմանված աղյուսակում նշված գործունեության տեսակներին և ենթատեսակներին համապատասխան կարող են հայտ ներկայացնել (այսուհետ՝ հայտատու) Հայաստանի Հանրապետության քաղաքաշինության բնագավառի պետական կառավարման լիազոր մարմին (այսուհետ՝ լիցենզավորող մարմին) ինչպես յուրաքանչյուր գործունեության տեսակի բոլոր ենթատեսակների համար, այնպես էլ դրանցից մի քանիսի կամ յուրաքանչյուրի համար: Լիցենզիան տրամադրելիս լիցենզիայի ներդիրում կատարվում է նշում հայցվող գործունեության ենթատեսակի և պատասխանատու մասնագետի վերաբերյալ:

3. Քաղաքաշինության բնագավառում գործունեության տեսակների լիցենզիայի և լիցենզիային կից համապատասխան ենթատեսակի ներդիրի տրամադրման հարաբերությունները կանոնակարգվում են «Լիցենզավորման մասին», «Քաղաքաշինության մասին» օրենքներով, սույն կարգով և այլ իրավական ակտերով:

4. Քաղաքաշինության բնագավառում գործունեության լիցենզիան և լիցենզիային կից ներդիրը տրամադրում է լիցենզավորող մարմինը:

5. Անձը սույն հավելվածի 7-րդ կետով սահմանված աղյուսակում նշված ցանկացած տեսակով և ենթատեսակով կարող է քաղաքաշինության բնագավառում գործունեություն իրականացնել, եթե նա ստացել է համապատասխան գործունեության տեսակի լիցենզիա և լիցենզիային կից համապատասխան ենթատեսակի ներդիր:

6. Անձն առաջին անգամ քաղաքաշինության բնագավառում գործունեության որևիցե տեսակի կամ ենթատեսակի լիցենզիա ստանալու համար կարող է հայտ ներկայացնել քաղաքաշինական փաստաթղթերի կազմում (ծածկագիր N 01) և շինարարության իրականացում (ծածկագիր N 03) գործունեության տեսակների համար միայն երրորդ դասի լիցենզիայի կամ ներդիրի համար, իսկ քաղաքաշինական փաստաթղթերի փորձաքննություն (ծածկագիր N 02), շինարարության որակի տեխնիկական հսկողություն (ծածկագիր N 04) և քաղաքաշինական գործունեության օբյեկտների հետախուզման և հետազննման ծառայությունների մատուցում (ծածկագիր N 05) գործունեության տեսակների համար միայն երկրորդ դասի լիցենզիայի կամ ներդիրի համար:

7. Քաղաքաշինության բնագավառում գործունեության տեսակների և ենթատեսակների աղյուսակ

ՆԵՐԴԻՐ- ՆԵՐԻ ԾԱԾԿԱ- ԳՐԵՐԸ N	ԼԻՑԵՆԶԱՎՈՐՄԱՆ ԵՆԹԱԿԱ ԳՈՐԾՈՒՆԵՈՒԹՅԱՆ ՏԵՍԱԿՆԵՐԸ												
	քաղաքաշինական փաստաթղթերի կազմում՝ բացառությամբ կոնստրուկտորական և ճարտարապետական մասերի			քաղաքաշինական փաստաթղթերի փորձաքննություն			շինարարության իրականացում			շինարարության որակի տեխնիկական հսկողություն		քաղաքաշինական գործունեության օբյեկտների հետախուզման և հետազննման ծառայությունների մատուցում	
	ԼԻՑԵՆԶԻԱՅԻ ԴԱՍԵՐԸ ԵՎ ՀԱՎԱՍՏԱԳՐԵՐԻ ԿԱՐԳԵՐԸ												
	1	2	3	1	2	1	2	3	1	2	1	2	
	ԼԻՑԵՆԶԻԱՆԵՐԻ ԾԱԾԿԱԳՐԵՐԸ												
	01			02			03			04		05	
	ԼԻՑԵՆԶԻԱՅԻ ԱՆԲԱԺԱՆԵԼԻ ՄԱՍ ԿԱԶՄՈՂ ՆԵՐԴԻՐՆԵՐԻ ՏԵՍԱԿՆԵՐԸ												
01.				ճարտարապետություն (բացառությամբ պատմամշակութային արժեք ներկայացնող օբյեկտների վերակառուցման և վերականգնման)									
02.				քաղաքաշինություն և տարածական պլանավորում									

03.		պատմամշակութային արժեքներ կայացնող օբյեկտների վերակառուցում, վերականգնում			
04.		բնակելի, հասարակական և արտադրական կառույցներ	բնակելի, հասարակական և արտադրական կառույցներ	բնակելի, հասարակական և արտադրական կառույցներ	
05.	Էլեկտրամատակարարում (Էլեկտրամատակարարման, էլեկտրալուսավորման ներքին և արտաքին ցանցեր, էլեկտրամատակարարման համակարգեր, ֆոտովոլտային և հողմաէներգետիկ կայաններ)	Էլեկտրամատակարարում (Էլեկտրամատակարարման, էլեկտրալուսավորման ներքին և արտաքին ցանցեր, էլեկտրամատակարարման համակարգեր, ֆոտովոլտային և հողմաէներգետիկ կայաններ)	Էլեկտրամատակարարում (Էլեկտրամատակարարման, էլեկտրալուսավորման ներքին և արտաքին ցանցեր, էլեկտրամատակարարման համակարգեր, ֆոտովոլտային և հողմաէներգետիկ կայաններ)	Էլեկտրամատակարարում (Էլեկտրամատակարարման, էլեկտրալուսավորման ներքին և արտաքին ցանցեր, էլեկտրամատակարարման համակարգեր, ֆոտովոլտային և հողմաէներգետիկ կայաններ)	
06.	ջերմագազամատակարարում և օդափոխություն (օդափոխության, ջեռուցման և օդի լավորակման համակարգեր, ջերմամատակարարման և գազամատակարարման համակարգեր)	ջերմագազամատակարարում և օդափոխություն (օդափոխության, ջեռուցման և օդի լավորակման համակարգեր, ջերմամատակարարման և գազամատակարարման համակարգեր)	ջերմագազամատակարարում և օդափոխություն (օդափոխության, ջեռուցման և օդի լավորակման համակարգեր, ջերմամատակարարման և գազամատակարարման համակարգեր)	ջերմագազամատակարարում և օդափոխություն (օդափոխության, ջեռուցման և օդի լավորակման համակարգեր, ջերմամատակարարման և գազամատակարարման համակարգեր)	

07.	հիդրոտեխնիկական կառուցվածքներ (հիդրոտեխնիկական համակարգեր, հիդրոէներգետիկ կառույցներ)	հիդրոտեխնիկական կառուցվածքներ (հիդրոտեխնիկական համակարգեր, հիդրոէներգետիկ կառույցներ)	հիդրոտեխնիկական կառուցվածքներ (հիդրոտեխնիկական համակարգեր, հիդրոէներգետիկ կառույցներ)	հիդրոտեխնիկական կառուցվածքներ (հիդրոտեխնիկական համակարգեր, հիդրոէներգետիկ կառույցներ)	
08.	ջրամատակարարում և ջրահեռացում (ջրամատակարարման և ջրահեռացման ներքին և արտաքին ցանցեր, հիդրոմելորացիա)	ջրամատակարարում և ջրահեռացում (ջրամատակարարման և ջրահեռացման ներքին և արտաքին ցանցեր, հիդրոմելորացիա)	ջրամատակարարում և ջրահեռացում (ջրամատակարարման և ջրահեռացման ներքին և արտաքին ցանցեր, հիդրոմելորացիա)	ջրամատակարարում և ջրահեռացում (ջրամատակարարման և ջրահեռացման ներքին և արտաքին ցանցեր, հիդրոմելորացիա)	
09.	տրանսպորտային ուղիներ (ավտոմոբիլային ճանապարհներ, երկաթուղային գծեր և օդանավակայաններ, արհեստական կառուցվածքներ՝ կամուրջներ, թունելներ, ուղեանցներ, էստակադաներ, հենապատեր և այլն)	տրանսպորտային ուղիներ (ավտոմոբիլային ճանապարհներ, երկաթուղային գծեր և օդանավակայաններ, արհեստական կառուցվածքներ՝ կամուրջներ, թունելներ, ուղեանցներ, էստակադաներ, հենապատեր և այլն)	տրանսպորտային ուղիներ (ավտոմոբիլային ճանապարհներ, երկաթուղային գծեր և օդանավակայաններ, արհեստական կառուցվածքներ՝ կամուրջներ, թունելներ, ուղեանցներ, էստակադաներ, հենապատեր և այլն)	տրանսպորտային ուղիներ (ավտոմոբիլային ճանապարհներ, երկաթուղային գծեր և օդանավակայաններ, արհեստական կառուցվածքներ՝ կամուրջներ, թունելներ, ուղեանցներ, էստակադաներ, հենապատեր և այլն)	
10.	կապի համակարգեր (հեռահաղորդակցության և ազդանշանային համակարգեր, հաղորդակներ, ընդունիչներ,	կապի համակարգեր (հեռահաղորդակցության և ազդանշանային համակարգեր,	կապի համակարգեր (հեռահաղորդակցության և ազդանշանային համակարգեր, հաղորդակներ,	կապի համակարգեր (հեռահաղորդակցության և ազդանշանային համակարգեր, հաղորդակներ,	

	անտենաներ, ուժեղարարներ)	հաղորդակներ, ընդունիչներ, անտենաներ, ուժեղարարներ)	ընդունիչներ, անտենաներ, ուժեղարարներ)	ընդունիչներ, անտենաներ, ուժեղարարներ)	
11.		ինժեներատրկրաբանական հետախուզում			ինժեներատրկրաբանական հետախուզում
12.					շենքերի և շինությունների տեխնիկական վիճակի հետազննություն և անձնագրավորում

8. Հայտատու կազմակերպությունում որպես պատասխանատու մասնագետ կարող է հանդես գալ N 2 հավելվածով սահմանված կարգով համապատասխան հավաստագիր ունեցող անձը:

9. Հայտատուի կազմում պատասխանատու մասնագետը և սույն կարգի 11-15-րդ կետերով սահմանված մասնագետները ներգրավված են համարվում, եթե առկա է օրենսդրությամբ սահմանված կարգով աշխատանքային պայմանագիր, որն ամրագրված է տվյալ մասնագետի վերաբերյալ Հայաստանի Հանրապետության պետական եկամուտների կոմիտեի (ՊԵԿ) կողմից տրամադրված անհատական հաշվի քաղվածքում, իսկ մեքենաների, մեխանիզմների ներգրավվածությունը հիմնավորվում է համապատասխան տեխնիկական անձնագրի կամ սեփականության վկայականի, հաշվառման վկայագրի կամ վարձակալության պայմանագրի առկայությամբ:

2. ԼԻՑԵՆԶԻԱ ԵՎ ՀԱՄԱՊԱՏԱՍԽԱՆ ՆԵՐԴԻՐ ՍՏԱՆԱԼՈՒ ՀԱՄԱՐ ԱՆՀՐԱԺԵՇՏ ՓԱՍՏԱԹՂԹԵՐԸ

10. Հայտատուն լիցենզիա ստանալու համար լիցենզավորող մարմին ներկայացնում է հետևյալ անհրաժեշտ փաստաթղթերը՝

1) լիցենզիա ստանալու մասին հայտ՝ համաձայն N 1-1 ձևի, նշելով հարկ վճարողի հաշվառման համարը, հայտատուի անվանումը և կազմակերպարավական ձևը, պետական գրանցման համարը, գտնվելու վայրը, հեռախոսահամարները, էլեկտրոնային հասցեն, 1-ին դասի լիցենզիաների դեպքում նաև պաշտոնական կայքի անվանումը, հայցվող լիցենզիայի գործունեության դասային աստիճանը, տեսակը և ենթատեսակը, որով հայտատուն մտադիր է գործունեություն իրականացնել, հայտատուի կազմում ներգրավված, N 2 հավելվածով սահմանված կարգով հավաստագրված առնվազն մեկ մասնագետի վերաբերյալ տեղեկություններ (անուն, ազգանուն, հանրային ծառայության համարանիշ, հավաստագրի սերիա, համար, կարգ և ՊԵԿ-ի կողմից տրամադրված անհատական հաշվի քաղվածք):

2) հայտատուի կազմում որպես պատասխանատու մասնագետ ներգրավված հավաստագրված անձի վերաբերյալ ՊԵԿ-ի կողմից տրամադրված անհատական հաշվի քաղվածք.

3) ըստ քաղաքաշինության բնագավառում գործունեության տեսակների և ենթատեսակների սույն հավելվածի 11-15-րդ կետերով սահմանված հայտատուի կազմում ներգրավված ինժեներատեխնիկական կազմի յուրաքանչյուր մասնագետի վերաբերյալ ՊԵԿ-ի կողմից տրամադրված անհատական հաշվի քաղվածք և բարձրագույն կրթությունը հավաստող փաստաթուղթ (դիպլոմ, վկայական և այլն).

4) շինարարության իրականացման գործունեության դեպքում սույն հավելվածի 13-րդ կետով սահմանված հայտատուի կազմում ներգրավված բանվորական կազմի յուրաքանչյուր անձի վերաբերյալ ՊԵԿ-ի կողմից տրամադրված անհատական հաշվի քաղվածք.

5) ըստ քաղաքաշինության բնագավառում գործունեության տեսակների և ենթատեսակների սույն հավելվածի 13-15-րդ կետերով սահմանված մեքենաների, մեխանիզմների և տեխնիկական միջոցների, սարքավորումների սեփականության կամ օգտագործման իրավունքը հաստատող փաստաթղթեր (տեխնիկական անձնագրի, վարձակալության պայմանագրի, սեփականության վկայականի և այլ հիմնավորող փաստաթղթերի պատճեններ).

6) քաղաքաշինության բնագավառում 1-ին դասի լիցենզիա ստանալու դեպքում հայտը ներկայացնելուն նախորդող 5 տարիների ընթացքում հայցվող քաղաքաշինության բնագավառում գործունեության տեսակին և ենթատեսակին համապատասխան 2-րդ դասի լիցենզավորման ենթակա գործունեության առնվազն երեք աշխատանքների (ծառայությունների) պայմանագրի (ներառյալ՝ համաձայնագրի) պատշաճ կատարման (շտկումների, թերությունների, ժամկետների երկարաձգումներ, տույժերի և տուգանքների գանձումների բացակայություն) վերաբերյալ իրավահաստատող փաստաթղթերի (հանձնման-ընդունման արձանագրություն կամ ավարտական ակտ կամ ծածկված

աշխատանքների ակտեր և կատարողական ակտեր և այլն) բնօրինակներից արտատպված պատճենները, որտեղ հայտատուն հանդես է եկել որպես գլխավոր կապալառու.

7) քաղաքաշինության բնագավառում 2-րդ դասի քաղաքաշինական փաստաթղթերի կազմման կամ շինարարության իրականացման գործունեության տեսակների լիցենզիա ստանալու դեպքում հայտը ներկայացնելուն նախորդող 5 տարիների ընթացքում հայցվող քաղաքաշինության բնագավառում գործունեության տեսակին և ենթատեսակին համապատասխան 3-րդ դասի լիցենզավորման ենթակա գործունեության առնվազն երեք աշխատանքների (ծառայությունների) պայմանագրի (ներառյալ՝ համաձայնագրի) պատշաճ կատարման (շտկումներ, թերություններ, ժամկետների երկարաձգումներ, տույժերի և տուգանքների գանձումների բացակայություն) վերաբերյալ իրավահաստատող փաստաթղթերի (հանձնման-ընդունման արձանագրություն կամ ավարտական ակտ կամ ծածկված աշխատանքների ակտեր և կատարողական ակտեր և այլն) բնօրինակներից արտատպված պատճենները, որտեղ հայտատուն հանդես է եկել որպես գլխավոր կապալառու.

8) 1-ին և 2-րդ դասի լիցենզիա ստանալու համար վերջին 5 տարիների ընթացքում Հայաստանի Հանրապետության պետական բյուջե վճարված եկամտային հարկի և ՊԵԿ ներկայացված ու վերջինիս կողմից ընդունված հաշվետվություններով սահմանված պետական բյուջե վճարված եկամտային հարկի և համախառն եկամտի հանրագումարի չափի մասին տեղեկատվություն.

9) հայտատուն կարող է ներկայացնել լրացուցիչ այլ փաստաթղթեր, տեղեկություններ և նյութեր:

3. ԸՍՏ ՔԱՂԱՔԱՇԻՆՈՒԹՅԱՆ ԲՆԱԳԱՎԱՌՈՒՄ ԳՈՐԾՈՒՆԵՈՒԹՅԱՆ ՏԵՍԱԿՆԵՐԻ ԵՎ ԵՆԹԱՏԵՍԱԿՆԵՐԻ ԼԻՑԵՆԶԻԱՅԻ ԿԱՄ ՀԱՄԱՊԱՏԱՍԽԱՆ ՆԵՐԴԻՐԻ ՏՐՄԱՆ ՀԱՄԱՐ ԱՆՀՐԱԺԵՇՏ ՄԱՍՆԱԳԵՏՆԵՐԻ ԵՎ ՄԵՔԵՆԱ-ՄԵԽԱՆԻԶՄՆԵՐԻ ԿԱԶՄԻՆ ԵՎ ՔԱՆԱԿԻՆ, ՆԱԽԿԻՆՈՒՄ ԿԱՏԱՐՎԱԾ ԱՇԽԱՏԱՆՔՆԵՐԻՆ ԿԱՄ ԾԱՌԱՅՈՒԹՅՈՒՆՆԵՐԻՆ ՆԵՐԿԱՅԱՑՎԱԾ ՆՎԱԶԱԳՈՒՅՆ ՊԱՀԱՆՁՆԵՐ

11. Քաղաքաշինական փաստաթղթերի կազմում՝ բացառությամբ կոնստրուկտորական և ճարտարապետական մասերի (ծածկագիր N 01) քաղաքաշինության բնագավառում գործունեության տեսակի լիցենզիայի կամ ներդիրի տրման համար միաժամանակ հայտատուի կազմում ներգրավված ինժեներատեխնիկական անձնակազմին (ԻՏԱ) ներկայացվող նվազագույն պահանջների աղյուսակ.

Ներդիրների ծածկագրերը	1-ին դաս	2-րդ դաս	3-րդ դաս
	ԻՏԱ	ԻՏԱ	ԻՏԱ
05	3	2	1
06	3	2	1
07	3	2	1
08	3	2	1
09	3	2	1
10	2	1	1

12. Քաղաքաշինական փաստաթղթերի փորձաքննություն (ծածկագիր N 02) քաղաքաշինության բնագավառում գործունեության տեսակի լիցենզիայի կամ համապատասխան ներդիրի տրման համար միաժամանակ հայտատուի կազմում ներգրավված ինժեներատեխնիկական անձնակազմին ներկայացվող նվազագույն պահանջների աղյուսակ.

Ներդիրների ծածկագրերը	1-ին դաս	2-րդ դաս
	ԻՏԱ	ԻՏԱ
01	2	1
02	2	1
03	1	1
04	2	1
05	2	1
06	2	1
07	2	1
08	2	1
09	2	1
10	1	1
11	1	1

13. Շինարարության իրականացում (ծածկագիր N 03) գործունեության տեսակի լիցենզիայի կամ համապատասխան ներդիրի տրման համար միաժամանակ հայտատուի կազմում ներգրավված ինժեներատեխնիկական, բանվորական անձնակազմին և մեքենա-մեխանիզմներին ներկայացվող նվազագույն պահանջների աղյուսակ.

Ներդիրների ծածկագրերը	1-ին դաս			2-րդ դաս			3-րդ դաս		
	ԻՏԱ	Բանվոր	Մեքենա- մեխանիզմ	ԻՏԱ	Բանվոր	Մեքենա- մեխանիզմ	ԻՏԱ	Բանվոր	Մեքենա- մեխանիզմ
04	5	15	3	4	10	2	2	3	-
05	3	5	2	2	3	1	2	2	-
06	3	5	2	2	3	1	2	2	-

07	3	7	3	2	5	1	2	2	-
08	3	5	2	2	3	1	2	2	-
09	3	15	3	2	10	1	2	2	-
10	2	5	1	1	5	1	1	2	-

14. Շինարարության որակի տեխնիկական հսկողություն (ծածկագիր N 04) գործունեության տեսակի լիցենզիայի կամ համապատասխան ներդիրի տրման համար միաժամանակ հայտատուի կազմում ներգրավված ինժեներատեխնիկական անձնակազմին և մեքենաներին, մեխանիզմներին ներկայացվող նվազագույն պահանջների աղյուսակ.

Ներդիրների ծածկագրերը	1-ին դաս	2-րդ դաս	Յուրաքանչյուր ներդիրին համապատասխան պահանջվող մեքենա, մեխանիզմ (համաձայն քաղաքաշինական նորմատիվատեխնիկական փաստաթղթերի)
	ԻՏԱ	ԻՏԱ	
04	3	1	շինարարական նյութերի նմուշարկման, պահ- պանման, ֆիզիկամեխանիկական բնութագրերի որոշման և նախագծով սահմանված չափորոշիչ- ներին համապատասխանության որոշման համար անհրաժեշտ տեխնիկական միջոցներ, սարքավո- րումներ և լաբորատորիա
05	2	1	
06	2	1	
07	2	1	
08	2	1	
09	2	1	
10	1	1	

15. Քաղաքաշինական գործունեության օբյեկտների հետախուզման և հետազննման ծառայություններ (ծածկագիր N 05) գործունեության տեսակի լիցենզիայի կամ համապատասխան ներդիրի տրման համար միաժամանակ հայտատուի կազմում ներգրավված ինժեներատեխնիկական անձնակազմին, մեքենաներին և մեխանիզմներին ներկայացվող նվազագույն պահանջների աղյուսակ.

Ներդիրների ծածկագրերը	1-ին դաս	2-րդ դաս	Յուրաքանչյուր ներդիրին համապատասխան պահանջվող մեքենա, մեխանիզմ և տեխնիկական միջոցներ, սարքավորումներ (համաձայն քաղաքաշինական նորմատիվատեխնիկական փաստաթղթերի)
	ԻՏԱ	ԻՏԱ	
11	1	1	հորատող տեխնիկա, երկրաֆիզիկական ուսումնասիրություն- ների և սեյսմիկ պարամետրերի (չափանիշների) որոշման, գրունտների գեոտեխնիկական հատկությունների որոշման համար անհրաժեշտ լաբորատորիա
12	1	1	շինարարական նյութերի, շինվածքների, կոնստրուկցիա- ների ֆիզիկամեխանիկական բնութագրերի որոշման համար համապատասխան տեխնիկական միջոցներ, սարքավորումներ և լաբորատորիա

4. ԼԻՑԵՆԶԻԱՅԻ ԿԱՄ ՆԵՐԴԻՐԻ ՏՐՄԱՆ, ՎԵՐԱԶԵՎԱԿԵՐՊՄԱՆ, ԵՐԿԱՐԱԶԳՄԱՆ, ԿԱՍԵՑՄԱՆ ԵՎ ԴԱԴԱՐԵՑՄԱՆ ԸՆԹԱՑԱԿԱՐԳԵՐԸ

16. Լիցենզիա ստանալու համար օրենքով և սույն կարգով նախատեսված անհրաժեշտ փաստաթղթերը հայտատուն ներկայացնում է էլեկտրոնային կամ թղթային եղանակով՝ քաղաքաշինության բնագավառի պետական ծառայությունների միասնական հարթակի միջոցով (էլ. հասցե՝ urban.e-gov.am)՝ ընդ որում, համակարգը հնարավորություն է տալիս ինքնաշխատ եղանակով ստուգել ներկայացված փաստաթղթերը՝ բացառելով սխալ տեղեկատվության ներկայացումը:

17. Թղթային տարբերակով ներկայացված հայտերը և կից փաստաթղթերը ներբեռնվում են համակարգ լիցենզավորող մարմնի կողմից:

18. N 4 հավելվածով սահմանված դիմումների և հայտերի ձևերով նախատեսված՝ օրենքով սահմանված կարգով անձնական տվյալների մշակման, ինչպես նաև հայտի մեջ և կից փաստաթղթերում առկա տեղեկությունների ստուգման համար հայտատուի համաձայնության դեպքում սույն կարգի 10-րդ կետի 1-ին ենթակետում նշված ՊԵԿ-ի կողմից տրամադրված, 2-4-րդ և 8-րդ ենթակետերով սահմանված փաստաթղթերը հայտին կից չեն ներկայացվում:

19. Լիցենզավորող մարմինը կարող է ստուգել հայտատուի կողմից ներկայացված տվյալների իսկությունը՝ օգտագործելով պաշտոնական աղբյուրներից ստացված տվյալներ կամ դրա մասին ստանալով պետական և տեղական ինքնակառավարման մարմիններից գրավոր տեղեկատվություն: Լիցենզավորող մարմնի կողմից նման հարցում ուղարկվելու դեպքում համապատասխան պետական կամ տեղական ինքնակառավարման մարմինները հարցումը ստանալու օրվան հաջորդող երեք աշխատանքային օրվա ընթացքում տրամադրում են գրավոր տեղեկատվություն:

20. Լիցենզավորող մարմինը ՊԵԿ-ից հարցման միջոցով ստանում է հայտատուի կողմից Հայաստանի Հանրապետության պետական բյուջե վճարված եկամտային հարկի, համախառն եկամտի հանրագումարի չափերի և ներգրավված մասնագետի անհատական

հաշվի քաղվածքի և գրանցամատյաններում առկա այլ տվյալների մասին տեղեկատվություններ: ՊԵԿ-ը տեղեկատվությունը տրամադրում է հարցումը ստանալուն հաջորդող երեք աշխատանքային օրվա ընթացքում:

21. Պետական և տեղական ինքնակառավարման մարմիններից անհրաժեշտ տեղեկատվությունները կարող են փոխանցվել առցանց եղանակով (առկայության դեպքում):

22. Յուրաքանչյուր լիցենզիայի ներդիրի համար օրենքով սահմանված պետական տուրքը հայտատուն պարտավոր է վճարել ոչ ուշ, քան հայտը բավարարելու վերաբերյալ էլեկտրոնային եղանակով՝ քաղաքաշինության բնագավառի պետական ծառայությունների միասնական հարթակի (էլ. հասցե՝ urban.e-gov.am) միջոցով ծանուցումը ստանալուց հետո 5 աշխատանքային օրվա ընթացքում:

23. Լիցենզավորող մարմինը լիցենզիա կամ համապատասխան ներդիր տալու, լիցենզիայի կամ ներդիրի գործողությունը կասեցնելու կամ դադարեցնելու մասին եզրակացություններ տալու նպատակով ստեղծում է լիցենզավորող հանձնաժողով, որի կանոնադրությունը և անհատական կազմը հաստատում է լիցենզավորող մարմինը:

24. Լիցենզավորող մարմինը լիցենզիան կամ համապատասխան ներդիրը տրամադրում է լիցենզավորող հանձնաժողովի եզրակացության հիման վրա՝ Հայաստանի Հանրապետության պաշտոնական փաստաթղթերի վավերականության ստուգման միասնական համակարգի կայքում հսկիչ համար տրամադրելու միջոցով:

25. Լիցենզավորող հանձնաժողովը լիցենզիա տալու մասին հայտը քննարկում է «Լիցենզավորման մասին» օրենքով սահմանված կարգով:

26. Լիցենզիա ստանալու մասին հայտը մերժվում է «Լիցենզավորման մասին» օրենքի 29-րդ հոդվածով նախատեսված հիմքերի առկայության դեպքում՝ սահմանված կարգով:

27. Սույն հավելվածի 19-րդ կետով նախատեսված ստուգման արդյունքում ոչ էական թերությունների (վրիպակների, ոչ իրավաբանական անճշտությունների, թվաբա-

նական սխալների և նման այլ բացթողումների) առկայության, ինչպես նաև փաստաթղթերը թերի լինելու դեպքում լիցենզավորող մարմինը դրանք հայտնաբերելու պահից 2 աշխատանքային օրվա ընթացքում առաջարկում է հայտատուին 5 աշխատանքային օրվա ընթացքում վերացնել թերությունները:

28. Հայտը մերժվում է, եթե այդ մասին լիցենզավորող մարմնի կողմից էլեկտրոնային եղանակով՝ քաղաքաշինության բնագավառի պետական ծառայությունների միասնական հարթակի (էլ. հասցե՝ urban.e-gov.am) միջոցով նախազգուշացում ներկայացնելուց հետո 5 աշխատանքային օրվա ընթացքում հայտատուն չի վերացնում հայտում կամ կից փաստաթղթերում առկա ոչ էական թերությունները կամ չի ներկայացնում անհրաժեշտ փաստաթղթեր կամ նյութեր:

29. Սույն կարգով սահմանված լիցենզիայի կամ ներդիրի տրամադրման մասին հայտը բավարարվում կամ մերժվում է լիցենզավորող մարմնի որոշմամբ:

30. Լիցենզիաները և ներդիրները տրվում են էլեկտրոնային եղանակով (էլեկտրոնային համակարգի կիրառմամբ)՝ 5 տարի ժամկետով, հայերեն լեզվով: Պահանջի առկայության դեպքում կարող են տրամադրվել նաև լիցենզիայի կամ ներդիրի թղթային տարբերակները:

31. Լիցենզիայի կամ ներդիրի վավերականության ստուգումն ու էլեկտրոնային բնօրինակի ներբեռնումը հնարավոր է իրականացնել Հայաստանի Հանրապետության պաշտոնական փաստաթղթերի վավերականության ստուգման միասնական համակարգի կայքում (էլ. հասցե՝ urban.e-gov.am) մուտքագրելով հսկիչ համարը կամ սկանավորելով արագ արձագանքման ծածկագիրը (QR Code):

32. Քաղաքաշինության բնագավառում լիցենզավորված անձն իրավունք ունի միայն գործունեություն իրականացնելու լիցենզիային կից տրամադրված գործունեության ենթատեսակին համապատասխան:

33. Լիցենզիան կամ ներդիրը վերաձևակերպվում է «Լիցենզավորման մասին» Հայաստանի Հանրապետության օրենքով նախատեսված հիմքերով ու կարգով:

34. Լիցենզիան կամ համապատասխան ներդիրը վերաձևակերպվում է, եթե՝

1) փոփոխվել է լիցենզավորված քաղաքաշինության գործունեության սուբյեկտի անվանումը կամ գտնվելու վայրը, կամ տեղի է ունեցել վերակազմակերպում.

2) փոփոխվել են պատասխանատու մասնագետի անձնագրի կամ հավաստագրի տվյալները.

3) պատասխանատու մասնագետների ցանկում տեղի է ունեցել փոփոխություն (ընդգրկվել է նոր հավաստագրված մասնագետ կամ դուրս է եկել):

35. «Լիցենզավորման մասին» օրենքի 32-րդ հոդվածով և սույն հավելվածի 34-րդ կետով սահմանված ցանկացած փոփոխության դեպքում լիցենզավորված անձը պարտավոր է այդ փոփոխություններն իրավական ուժ ստանալու օրվանից սկսած 15-օրյա ժամկետում լիցենզիայի կամ ներդիրի վերաձևակերպման մասին լիցենզավորող մարմին հայտ ներկայացնելու՝ համաձայն N 1-3 ձևի: Հայտին կից ներկայացվում է վերաձևակերպման համար հիմք հանդիսացող փաստաթուղթը:

36. Լիցենզավորող մարմինը սույն կարգի 35-րդ կետի համաձայն հայտը և կից փաստաթղթերն ստանալուց հետո 5 աշխատանքային օրվա ընթացքում, էլեկտրոնային եղանակով՝ քաղաքաշինության բնագավառի պետական ծառայությունների միասնական հարթակի (էլ. հասցե՝ urban.e-gov.am) միջոցով, հայտատուին է տրամադրում պատասխանատու անձի վերաձևակերպված լիցենզիան կամ ներդիրը:

37. Սույն հավելվածի 35-րդ կետի համաձայն ներկայացված հայտը մերժվում է, եթե հայտին կից ներկայացված փաստաթղթերը չեն համապատասխանում «Լիցենզավորման մասին» օրենքով և սույն կարգով սահմանված պայմաններին և պահանջներին:

38. Սույն կարգով սահմանված լիցենզիայի կամ ներդիրի վերաձևակերպման մասին հայտը մերժվում է լիցենզավորող մարմնի որոշմամբ:

39. Լիցենզավորված անձը լիցենզիայի գործողության ժամկետի ավարտից ոչ շուտ, քան 3 ամիս առաջ լիցենզիայի ժամկետը երկարաձգելու հայտ (Ձև N 1-3) է ներկայացնում լիցենզավորող մարմին:

40. Լիցենզիայի գործողության ժամկետը երկարաձգվում է առավելագույնը 5 տարի ժամկետով, եթե օրենքով այլ բան նախատեսված չէ:

41. Լիցենզիայի գործողության ժամկետի երկարաձգման հայտում պետք է նշվի հայցվող ժամանակը:

42. Լիցենզիայի գործողության ժամկետը երկարաձգվում է լիցենզավորված անձի կողմից հայտը և անհրաժեշտ փաստաթղթերը ներկայացվելու օրվան հաջորդող 5-օրյա ժամկետում:

43. Լիցենզիայի գործողության ժամկետի երկարաձգման հայտերի վերաբերյալ որոշումները կայացվում են առանց լիցենզավորող հանձնաժողովի որոշման: Սակայն նշված հայտի մերժման հիմքի առկայության դեպքում կամ հայտատուի պահանջով պետք է իրականացվի հայտի քննարկում՝ լուսմների կարգով, բացառությամբ պետական տուրքը չվճարելու հիմքով «Լիցենզավորման մասին» օրենքի 23.1-ին հոդվածի 4-րդ մասով նախատեսված մերժման դեպքի:

44. Լիցենզիայի գործողության ժամկետի երկարաձգման հայտը ներկայացվում է թղթային կամ էլեկտրոնային եղանակով՝ քաղաքաշինության բնագավառի պետական ծառայությունների միասնական հարթակի միջոցով (էլ. հասցե՝ urban.e-gov.am):

45. Լիցենզիայի գործողության ժամկետի երկարաձգման մասին հայտի մերժումն իրականացվում է «Լիցենզավորման մասին» օրենքի 31-րդ հոդվածին համապատասխան:

46. Երկարաձգված լիցենզիան և ներդիրը տրվում են էլեկտրոնային եղանակով (էլեկտրոնային համակարգի կիրառմամբ)՝ 5 տարի ժամկետով, հայերեն լեզվով: Պահանջի առկայության դեպքում կարող են տրամադրվել նաև երկարաձգված լիցենզիայի կամ ներդիրի թղթային տարբերակները:

47. Լիցենզիայի կամ ներդիրի վավերականության ստուգումն ու էլեկտրոնային բնօրինակի ներբեռնումը հնարավոր է իրականացնել Հայաստանի Հանրապետության պաշտոնական փաստաթղթերի վավերականության ստուգման միասնական համակարգի կայքում մուտքագրելով հսկիչ համարը կամ սկանավորելով արագ արձագանքման ծածկագիրը (QR Code):

48. Հավաստագրերի հսկիչ համարը կորցնելու դեպքում այն տրամադրվում է դիմումն ստանալուց հետո 3 աշխատանքային օրվա ընթացքում՝ անվճար:

49. Լիցենզիայի և ներդիրի գործողության կասեցումը կամ դադարեցումն իրականացվում է «Լիցենզավորման մասին» օրենքով սահմանված կարգով:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏԻ ԱՇԽԱՏԱԿԱԶՄԻ
ՂԵԿԱՎԱՐ

Ա. ՀԱՐՈՒԹՅՈՒՆՅԱՆ